

Universitätsbibliothek Paderborn

M. Fabii Quintiliani Institutionum Oratoriarum Libri Duodecim

Summa diligentia ad fidem vetustissimorum codicum recogniti ac restituti

Quintilianus, Marcus Fabius

Lugd. Batav. ; Roterodami, 1665

Cap. XVI. An utilis sit rhetorice.

urn:nbn:de:hbz:466:1-12945

omnes quidem persequi, nec attinet, nec possum: cum pravum quoddam (ut arbitror) studium circa scriptores artium extiterit, nihil eisdem verbis quæ prior aliquis occupasset, finiendi: quæ ambitio procul aberit à me. Diccam enim non utique quæ invenero, sed quæ placebunt: sicut hoc, *rhetoricen esse bene dicendi scientiam*: cum reperto quod est optimum, qui querit aliud, pejus velit. His approbatis, simul manifestum est illud quoque, quem finem, vel quid summum & ultimum habeat rhetorice, quod τέλος dicitur, ad quod omnis ars tendit: nam si est ipsa bene dicendi scientia, finis ejus & sumnum est bene dicere.

1 Vel quid summum & ultimum.] Hoc causam finalem, de qua nunc agit. adjectis ut distingueret ambiguositatem. Idem. nam & finis significat finitionem &

C A P. XVI.

An utilis sit rhetorice.

Sequitur quæstio, an utilis ¹ rhetorice. Nam quidam ve-¹⁷ shementer in eam invehi solent: &, quod sit indignissimum, ² in accusationem orationis utuntur orandi viribus: Eloquentiam esse quæ pœnis eripiat scelestos, cuius fraude damnentur interim boni: consilia ducantur in pejus; nec seditiones modo turbæque populares, sed bella etiam ³ inexpabilia excitentur: cuius denique tum maxime sit usus, cum pro falsis contra veritatem vallet. ⁴ Nam & Socrati objiciunt comicis, docere eum quomodo pejorem caussam meliorem faciat: & ⁵ contra Tisiam & Gor-

giam

Quæ rhetorice insunt tractat, quæ- oratorem præstitisse. hæc quæstio tra-
stionemque qualitatis proponit: catur à Cicerone libro primo de Orato-
re, & libro primo de Inventione. Turn-
eb.

³ Inexpabilia.] Inexpugnabilia.

⁴ Nam & Socrati.] Aristophanes in Nebulis objicit Socrati, quod inferiorem causam polliceretur se facere superiorem: quæ fuit arrogans etiam professio sophistarum, ut docet Cicero in Bruto. Turneb.

⁵ Contra Tisiam.] Locus supra pos-
tus ex

giam similia dicit polliceri Plato. Et his adjiciunt exempla Græcorum Romanorumque, ¹ & enumerant qui perniciosa non singulis tantum, sed rebus etiam publicis usi eloquentia turbaverint civitatum status, vel everterint: eoque & ² Lacedæmoniorum civitate expulsam: ³ & Athenis quoque, ⁴ ubi actor *movere affectus* vetabatur, velut recisam orandi potestatem. Quo quidem modo nec duces erunt utiles, nec magistratus, nec medicina, nec ipsa denique sapientia. Nam & dux ⁵ Flaminius, & Gracchi Saturnini ⁶ Glauciæ magistratus, & in medicis venena, & in iis qui philosophorum nomine male utuntur, gravissima nonnunquam flagitia deprehensa sunt. Cibos aspernemur, attulerunt saepe valetudinis caussas. Nunquam tecta subeamus, super habitantes aliquando procumbunt. Non fabricetur militi gladius, potest uti eodem ferro latro. Quis nescit ignes, aquas, sine quibus nulla sit vita, & (ne terrenis immorer) Solem Lunamque præcipua siderum, aliquando etiam nocere? Num igitur negabitur deformem Pyrrhi pacem ⁷ cæcus ille ⁸ Appius dicendi viribus diremisse?

tus ex Phædro. De Socrate notum est ex Nubibus Aristophanis. Græci autem hoc ita dicunt, τὸν πόλων λόγον κρείτον ποιεῖν. *Camerar.*

¹ Et enumerant qui perniciosa, &c.] Sic apud Ciceronem libro primo de Oratore Scævola malos oratores permittos enumerat, ut perniciosa doceat eloquentiam. *Turneb.*

² Lacedæmoniorum civitate expulsam.] Præscripsit tamen Lycurgus, ut Spartani pueri honestam orationem docentur, sed tamen brevem. *Idem.*

³ Et Athenis quoque.] Hoc siebat potissimum in Areopago: quod institutum est ob judicium Phrynes meretricis, quæ miseratione judicium evasit. *Idem.*

⁴ Ubi actor movere.] Athenæus 13. Absoluta Phryna, scitum factum est, ne cui dicenti pro altero, miseratione

uti liceret, neve reum aut ream in judicio aspici fas esset. *Camerar.*

⁵ Flaminius.] Flaminius consul ad Thrasimenum lacum victus ab Hannibale, insignes pop. Rom. copias perdit. *Liv. dec. 3. lib. 2. Turneb.*

⁶ Glauciæ.] Glaucia, ut inquit Cicero in Bruto, homo perniciosus, ex infimis sordibus ad præturam pervenit, consulque factus esset, nisi cum Saturnino interfactus fuisset. *Idem.*

⁷ Cæcus ille Appius.] Pyrrhus rex Epirotarum, militaris disciplinæ peritiissimus, in Italiam trajecit cum exercitu, multisque detrimentis pop. Rom. affecit, conditionesque pacis demum iniquas obrulit, quibus Patres assentiebantur: Appius tamen Claudius oratione sua Patribus dissuasit. *Idem.*

⁸ Appius.] Historiam annotavit Florus ex 13. lib. Livii. *Camerar.*

I. Leges

se? Aut non divina M. Tullii eloquentia & contra ¹ leges Agrarias popularis fuit? ² & Catilinæ fregit audaciam? & supplicationes, qui maximus honor victoribus bello ducibus datur, in toga meruit? Nonne perterritos militum animos frequenter à metu revocat orator? & tot pugnandi pericula ineuntibus, laudem vita potiorem esse persuadet? Neque vero me Lacedæmonii atque Athenienses magis moverint, quam pop. Romanus, apud quem summa semper ³ oratoribus dignitas fuit. ⁴ Equidem nec urbium conditores reor aliter effecturos fuisse, ut vaga illa multitudo coiret in populos, nisi docta voce commota: nec legum repertores sine summa vi orandi consecutos, ut se ipsi homines ad servitutem juris adstringerent. Quin ipsa vitæ præcepta, etiam si natura sunt honesta, plus tamen ad formandas mentes valent quoties pulchritudinem rerum claritas orationis illuminat. Quare etiam si in utranque partem valent arma facundiæ, *non tamen est æquum id haberi malum, quo bene uti licet.* ⁵ Verum hæc apud eos fortasse quærantur, qui summam rhetorices ad persuadendi vim retulerunt. Si vero est *bene dicendi scientia*, quem nos finem sequimur, ut sit *orator* in primis *vir bonus*: utilem certe eam esse confitendum est. ⁶ Et hercle deus ille princeps parens rerum,

¹ Leges Agrarias.] Servilius Rullus trib. pleb. legem tulit de agris populo dividundis, coloniisque deducendis. eam legem Cicero consul dissuasit. Plin. lib. 7. cap. 30. Turnebus.

² Et Catilinæ fregit audaciam.] Nam Ciceroni in Senatu respondere non ausus est Catilinæ, ut docet Cicero in Bruto. Idem.

³ Oratoribus dignitas fuit.] Cicero testatur, post imperatores maximam obtinuisse dignitatem oratores Romæ, eorumque majorem fuisse gloriam quam jurisconsultorum. Idem.

⁴ Equidem nec urbium conditores.] Hoc sumptum est ex libro primo de inventione, ubi Cicero eloquentia principium

urbium conditoribus tribuit. Idem. Equidem.] L. tamen Crassus censor magistros dicendi sustulit. Cicero 3. de orat. & Suet. de claris rhetorib.

⁵ Verum hæc.] Ex constitutione superioris dogmatis exceptionem dicit, quæ summovet objectionem adversariorum, & eloquentiae præstantiam laudat. Turneb.

⁶ Et hercle.] Galenus quoque in protreptico ad bonas artes, scribit hominem sermone magis à brutis differre quam ratione, cum rationis quadam exortia non sint, quod dicere videatur Fabius. estque hic locus ex Ciceroni sumptus. Idem.

⁷ Nam

rerum, fabricatorque mundi, nullo magis hominem separavit à cæteris, quæ quidem mortalia essent, animalibus, quam *dicendi facultate*. ¹ Nam corpora quidem magnitudine, viribus, firmitate, patientia, velocitate præstantiora in illis mutis, videmus eadem minus egere acquisita extrinsecus opis. Nam & ingredi citius, & pasci, & transire aquas citra docentem natura ipsa sciunt. Et pleraque contra frigus ex suo corpore vestiuntur, & arma his ingenta quædam, & ex obvio fere victus: circa quæ omnia multis hominibus labor est. Rationem igitur nobis præcipuam dedit, ejusque nos socios esse cum diis immortalibus voluit. ² Sed ipsa ratio neque tam nos juvaret, neque tam esset in nobis manifesta, nisi quæ concepissimus mente, promere etiam loquendo possemus: quod magis deesse cæteris animalibus, quam intellectum & cogitationem quandam videmus. Nam & moliri cubilia, & nidos texere, & educare fœtus, & excludere, quinetiam reponere in hymen alimenta, opera quædam nobis inimitabilia, qualia sunt cerarum & mellis, efficere, nonnullius fortasse rationis est: sed quia carent sermone quæ id faciunt, ³ *muta* atque *irrationabilia* vocantur. Denique homines quibus negata vox est, quantulum adjuvat animus ille cœlestis. ⁴ Quare si nihil à diis oratione melius accepimus, quid tam dignum cultu ac labore ducamus, aut ⁵ in quo malimus præstare hominibus, quam quo ipsi homines cæteris animalibus præstant? Eo quidem magis, quod nulla in parte plenius labor

gratiam

¹ *Nam corpora quidem, &c.*] Ideo Epicurus dicebat *omnia fortuna facta esse, hominique naturam fuisse novicam, bellum benignam parentem*: quod refutat Laetantius in libello de opificio Dei. *Idem.*

² *Sed ipsa ratio.*] Donavit nos Deus ratione, ideoque etiam sermone, ne ratio nostra inclusa torpesceret. *Idem.*

³ *Muta atque irrationalia.*] Videtur allusisse ad etymologiam verbi græc. nam *ἄλογον* non solum significat irra-

tionale, verum etiam *mutum*. aut sensus est, animalia non prorsus esse irrationalia, sed quia sermone carent, idcirco & *muta* & *irrationabilia* vocari. *Idem.*

⁴ *Quare si nihil, &c.*] Hanc sententiam est mutuatus à Cicerone Fabius. sic enim ille loquitur libro primo de Orat. de Inventione. *Idem.*

⁵ *In quo malimus præstare hominibus.*] Vñd. Cicer. lib. I. Offic. ut & Sidonium lib. 4. Epist. 17.

I. Finis.

gratiam refert. Id adeo manifestum erit, si cogitaverimus, unde, & quousque jam provecta sit orandi facultas, & adhuc augeri potest. Nam ut omittam, *defendere amicos, regere consilium senatum, populum, exercitum in qua velit ducere, quam sit utile, conveniatque bono viro*: nonne pulchrum vel hoc ipsum est, ex communi intellectu, verbisque quibus utuntur omnes, tantum assequi laudis & gloriæ, ut non loqui & orare, sed quod Pericli contigit, ¹ *fulgurare ac tonare videaris?*

¹ *Fulgurare ac tonare videaris?*] Cic. Orat. ex Aristophane.

C A P. XVII.

An rhetorice sit ars.

Finis non erit, si expatiari parte in hac, & indulgere ¹⁸ voluptati velim. Transseamus igitur ad eam quæstionem quæ sequitur, ¹ *an rhetorice ars sit.* Quod quidem adeo ex iis qui præcepta dicendi tradiderunt, nemo dubitavit, ut etiam ipsis liberorum titulis testatum sit scriptos eos *de arte rhetorica*: ² Cicero vero etiam quæ *rhetorice* vocetur esse artificiosam eloquentiam dicat. Quod non oratores tantum vindicarunt, ut studiis aliquid suis præstisset videantur: sed cum his philosophi & ³ Stoici & Peripatetici plerique consentiunt. Ac me dubitasse confiteor, an hanc partem quæstionis tractandam putarem. nam quis est adeo non ab eruditio modo, sed à sensu remotus hominis, ut fabricandi quidem,

Hanc quæstionem appellant dialetici, *qualis sit*: quæ tractanda est post quæstionem, *An sit*, & *Quid sit*, ac si naturam esset secutus Fabius, non connectendi commoditatem, hoc caput superiori præposuisset: quanquam hoc caput à superiori imperite est divulgum. Turneb.

¹ *An rhetorice ars sit.*] Hac de re disputatione apud Ciceronem ab Antonio & Crasso libro primo de Oratore. *Idem.*

² *Cicero vero.*] Cicero libro primo de Inventione ait civilis rationis partem esse artificiosam eloquentiam, quam *rhetoriken* vocant. *Idem.*

³ *Stoici & Peripatetici.*] Principes Stoïcorum de *rhetorica* scripsérunt, ut Zeno, Chrysippus, Cleanthes, Diogenes. principes item Peripateticorum, ut Aristoteles, Theophrastus, Crito-laus, qui testantur *rhetoricam esse artem.* *Idem.*